



kat.komp.†

17178

Mag. St. Dr.

P

Jannes

Acad. Juventutis Scholae Poëcor. Stephanion  
studii philosophici R. Greg. Joan. Lelickows-  
ski - gratulationis ergo etc.

MANUSCRIPT VITAE

Polon. 4<sup>o</sup>

1241



Biblioteka Jagiellońska



stdr0003349



STEFANION  
STVDII PHILOSOPHICI,

*Reuerendo Domino*

GREGORIO IOANNI

ZDZIEWOYSKI à ŁASKO,

Concionatori Ecclesiæ Collegiatæ Łasceñ. pu-  
blico Notario,

*Dum Artium Magister, & Philosophiæ Doctor in  
Almâ Academiâ Cracouiensi renuntia-*  
*retur,*

Gratulationis ergo

*Ab Illustri & Nobili Iuuentute Academica, ex  
Schola Poëseos DD.*

Sub auspicijs STANISLAI OSSĘDOWSKI,  
Artium Magistri, & Philosoph: Doctoris,  
Professoris Nowcaworsc.

---

CRACOVIAE,

Ex Officina Typographica, Francisci Cæsarij. Anno D. 1638.





# IN STEMMA.



1778 I

*Crux soleata, fidem constantem monstrat: adunca  
Falx messem: Christo quam bone mysta paras.  
Perge Deo, Patriaq; Academiq; mereri:  
Et terrâ, & calo, sic diadema feres.*

Christophorus Skotnicki, de Bo-  
goria, Stud; Pôës.





# O D E

## Tricolos Tetrastrophos.

N O M I N E

Almæ Matris Academiae Cracouiensis,

*Ad M. GREGORIVM ZDZIEWOYSKI.*

**I** Ngens Lasciadum gloria ZDZIEWOI,  
Diuo Pontifici Votè GREGORIO;  
Cuius nomen, Olympo  
Adplaudente Tibi inditum est.

Coeli quandoquidem summa benignitas,  
Te Mysten superis inseruit Choris,  
Ad tractanda Tonantis  
Te mylteria & extulit.

Cunctis posthabitis rebus inanibus,  
Quas mundus tumido pectore iactitat,  
Et commendat amicis  
Fallax se Comitantibus,

Ad coelos animum dirige Cælitem,  
Authoremque Deum sydereæ domus,  
Cælis altior ipsis,  
Altâ mente requirito.

Hic est prima tuæ meta scientiæ;  
Hunc cognôsse stude dulciter vnicum



Et complectere amore,  
Æternum sine termino.  
Mentem nulla tuam turgida vanitas,  
Tangat nulla sacrum corq; sagacitas,  
Omnis Te procul esto  
Fastus, cælo inamabilis.  
In comprehensa Dei, nec patiens capi  
Maiestas: hominum sensibus abditis;  
Sese spontè reuelat  
Nil altum sapientibus.  
Si verè sapiens, si Superis placens,  
Contendis fieri; Te nihili puta;  
Abiectusque tibi sis;  
Ut magnus fieri queas.  
Vitæ norma tibi, sit meus inclytus,  
Quo cælum mereor scandere, CANTIVS  
Exemplumque sit idem,  
Dux & fax Academico.  
Quem propono Tibi, niterè progredi  
Felix ad Superos passibus illius,  
Et contendito Diuo,  
Ut par assimiliarier.  
Quem si mente geris, moribus exprimis,  
Cælestemque Virum terrigena imbuïs,  
Verè sum tua Mater;  
Et tu filius es meus.

*Hieronymus Adamus à Granow-Sienianski, Comes  
in Szklów, Reg. Supr. Vexill. F. Stud: Poës.*

ODE



O D E  
Dicolos Distrophos.

*Ad*

Deiparam Virginem, Ecclesiæ Collegiatæ Lascensis  
Patronam.

**T**ERRARVM Dea maxima,  
Et sola ætherei Nympha iubar poli.  
Quâ maius nihil vspiam,  
In cælo melius nilquoq; post Deum.  
Virgo cælituum decus,  
Et mater Domini ter venerabilis.  
Fac descende polo aurea,  
Maternis oculis atq; GREGORIVM,  
Clemens ZDZIEVOIVM Tuum,  
Digneris Genitrix prospicere, inclytum  
Ipsiusque laboribus,  
Auge Diua tuis ferta fauoribus.  
Et commenda Academia,  
Qui te mille modis tollit ad æthera.  
Laudes promeritas tibi,  
Linguâ flexanimâ dum cumulat polo.  
In templis quoties, Dei  
Pandit de Cathedrâ iussa fidelibus.  
Hunc tu, nam meruit: iube  
Ornari meritum fronde Academicâ.



Doctōrumq; choro inseri,  
Inter laurigeros fac age, & impera.  
Lucem quique tibi facit,  
Virtutum radiis fac age luceat.  
Et qui te decorat; decens  
Per te Virgo ferat perpetuum decus.

Georgius Adamus Ossolinski, de Teczyn, Fil.  
Thesaur. Reg. Cap. Marienburg. & Bye-  
cen. Stud. Poës.

---

O D E  
Dicolos Distrophos.  
Ad D. IOANNEM BAPTISTAM.

**E**T Tu prodrome Lucifer  
Solis perpetui; Sera parentium  
Sanctorum soboles, ades  
Vates egregius: Gratia cui dedit  
Nomen dulce polo nimis,  
Setæ nuda cui corpora contegunt:  
Præsta ZDZIEVOIO tuo,  
Mentem fatidicam; & confer ei tuum  
Plenum numine Spiritum;  
Quo legem Domini nuntiet omnibus,

Et



Et peccata hominum increpet.  
Pro Christi Laribus non timidus mori,  
Vt cælo queat ampliùs  
Ornari titulis nobilioribus.

*Nicolaus Wapowski, de Radochowce, Castell  
Premisliën. Stud: Poëf.*

## Ad D. IOANNEM EVANGELISTAM

**C**hristi Discipule intime,  
Ioannes Superis gratior omnibus,  
Qui pectus Domini super,  
Fas & solus habes ius requiescere.  
Et tu ZDZIEVOIO tuo  
Coelo præsidium profer, & adijce.  
Sacris namque perenniter  
Mystes hicce tuis obsequijs subest.

*Casimirus Albertus Roxicki, Castell. Po-  
tanecën. Stud: Poëf.*

## O D E Dicolos Tetraströph.

Ad D. GREGORIVM Doctorem Ecclesiæ.

**P**rima Doctörum celebris venustas,  
Prima lux, & fax, iubar, & lucerna:

*Luci-*



Lucidans mundum face veritatis,  
Diue Gregori.

Spiritu sancto sacra corda plenus,  
Plenus ardenti radio sacrorum  
Ignium cœli, superumq; Regis  
Plenus amore.

Mitte de celsâ regione cœli,  
Lucidum sydus, radians Gregoriô  
Corda Zdźiewoyksi: queat ut repleri  
Pneumate sacro.

Entibi votus tuus en GREGORI  
Puber in cunis, & adhuc Parentis  
In sinu ludens, tibi dedicatus

Federe sacro:  
Ecce Zdźiewoyksi; sacer ecce Christo,  
Lauream Phœbi capit, artibusq;  
Inter insignes Sophiæ Magistros  
Prensat honores.

Eiâ nitentem superare colles,  
Pallados sacra; trahere, duc manuq;  
Ad Dei veri studium; Magistrum,  
Duc bone Doctor.

Cresslaus de Kurozwęki Męczyń-  
ski, Stud : Poës.

AD



*Ad D. IO ANNEM CANTIVM Patronum Acad. Cracovien.  
NOMINE M. GREGORII ZDZIEWOTSKI.*

**C**ANTI Lux Academiæ Parentis,  
Solis Iustitiæ Comes perennis,  
Lampas nescia deflagrare cœlis:  
Lampas nescia deflagrare terris:  
Claro sole magis polo coruscans,  
Terris lampadibus magis refulgens:  
Ardes cœu Seraphin amore Christi,  
Doctrinâ Cherubin cœu coruscas.  
Totâ mente tuâ æstuas Tonantem,  
Toto pectore proximum flagrasque.  
Non est fas mihi Lampadem coruscantem,  
Divini ingenij tui æstuarè:  
Quâ terram irradias, & æthrâ totum,  
Vero lumine recreas in ævum.  
Non est fas mihi lampadem flagrare,  
Non est fas mihi cuncta scire Tecum:  
Et si fas fuerit, minus laboro.  
At fas sit Pater ut mihi Beate,  
Totâ mente Deum flagrare Tecum  
Hoc supplex precor, hoc volo, & laboro.  
Hoc nato mihi fac tuo Parens ô  
Impetraueris à Deo potenti.  
Impertiueris obsecro hoc mihi que  
Totâ mente Deum flagrare fas est.  
Fas est: & teneor, Deum flagrare.  
Tecum fac age conflagrem Tonantem,  
CANTI, Sol Academiæ Parentis.  
Nil opto ampliùs igne conflagrare  
Christum, sit mihi fas: sit hoc sat ipsum.  
Totâ mente Deum flagrare tecum.

*Nicolaus Vladislav de Mslow Mslowski, Stud. Pœt.*



ODE Dicolos Tetraſtrophos.

Nomine Patriæ Laſcen.

**L** Auream Pallas tibi dum ſecundam,  
Fronte Zdziewoyski meritâ reponit,  
Inter & doctos Sophiæ Magiſtros,  
Præſtat honorem.

Ex tuis latus titulis triumpho,  
Care Præceptor meus; & prout par,  
Ió decanto tibi promerenti,

Arte coronam.

Ille ego quondam, tuus ó GREGORI,  
Artium cultor teneris ab annis,  
Inditum nomen fero qui Ioannis

Schema Dobecii,

Inclyti famâ patrium per orbem,  
Stirpe AD ALBERTI genus ipſe Laſki  
Qui nepos duco, generoſus alto

Sanguine Cretus.

Liber in Kezmark Baro procreatus,  
Qui ſuis altè meritis paterno  
Dum ſtudet Regno bene profuiſſe,

Creſcit honore.

Et Palatinum, Siéradienſi  
Poſſidet culmen regione ſummum,  
Vera quem virtus meritis honorum,

Tollit ad aſtra.



Laureâ motus bone mi Magister,  
En tuâ lætor; merito tuoq;  
Effluo totus, tibi cuncta cælo

Fausta precatus.

Perge doctrinæ radiare flammis,  
Perge præcelsis meritis honorum  
Crêsse per terras: & in axe summo

Figito sedem.

Hoc ego cunctis tibi posco votis,  
Hoc tibi poscit schola patriæq;  
Cui vigil præses bene præfuiſti

Circiter annum.

Nam reliquisti monumenta certa,  
Indicem verum proprij fauoris  
In tuos omnes: & in æuiternum

Pignus amoris.

Hoc idem Diuûm tibi comprecantur,  
Patriæ sedes; sacra quæis tonâſti  
Iussa cælestis Patris, ad popellum

Dogmata fundens.

Et Rosarii (fax velut igne flammans)  
Excitauisti penitus sepultos  
Mentibus duris hominum, Tonantis

Cultor amores.

Perge ZDZIEWOYSKI meritis honorum,  
Crêsse sub cælo, bene promerendo  
Patriæ; Diuûm decori; & Tonantis

B 2

Promoue honorem.



O D E  
Monocolos Tetraastrophos.

*Nomine Ciuitatis Curzelouienſis.*

**C**urzelouiadum Caſtalides Deæ,  
Phæbi laurigeri turba tenerrima,  
Si quando lepidum tangere barbiton,  
In plauſus libuit, lætaque gaudia.  
Nunc riſus hilares, nunc date Carmina,  
Nunc Cantus Cytharis, nunc metra tibys  
Lætis vnanimēs promite plauſibus,  
Et feſtis chœreas ducite greſſibus.  
Veſter Zdziewoius qui patriæ ſcholæ  
Anni Curriculo præfuit vnico,  
Sêclis porro bonus profuit omnibus,  
Ornatur geminis tempora laureis,  
Curzelouiadum ſtirps bona Ciuium,  
Omnes cum populis, incolæ & accolæ,  
Quàquà blandiſonis plaudite riſibus,  
Fuſi lætitys æthera tangite.

*Nicolaus Tagoborſki, Stud: Poëſ.*

O D E Tricolos Tetraastrophos.

**T**erras remotas à patriâ procul,  
Multa exterarum regnaq; gentium,  
Et nationum plurimarum  
Vix adeunda loca orbe adiſti.  
Primo virentis flore puertia,  
Non dum virili robore præditus,

*Ætati*



*Ætate non dum firmus apta,  
 Mensus es Herculeas columnas.  
 Iam nunc in annis floridioribus,  
 Doctor Sophia Lauro Academicâ  
 Cinctus gemellâ: perge felix,  
 Visere regna magè ampliora.  
 Facundiores artibus optimis,  
 Ac cultiores quære tibi polos:  
 Discas ubi vitam beatam.  
 Transigere; & placuisse Calo,*

*Albertus de Kurozwęki Męczyński,  
 Stud: Poës.*

## O D E Dicolos Distrophos.

■ Nōmine Ciuitatis Pilcensis, ad Almam Matrem.  
 Acad: Cracouiē.

**O** Rbis sarmatici Dea,  
 Totiusq; Parens vera Polonia,  
 Et sola unica filia,  
 Regum sauromatum ô lux Academia,  
 Cum tu Zdziewoium tuum  
 Altrix lacte tuo nutrieris mihi,  
 Maternoq; fouens sinu  
 Multis prodideris sat super utilem:  
 Amplector tua suauiter,  
 Supplex genūa Parens, poplite cernuo.  
 Mater sollicita omnium,  
 Quodd talem tuleris Lux mihi filium.



Tres mēſſes mihi praeſuit,  
Et nuſquam officio ſedulus abſuit.  
Curā peruigili illius  
Pubes ingenio Creuit ad athera.  
Et ſeu ſol iubar extulit,  
Seu nox atra diem nubibus abſtulit:  
Semper magnanimus bonis  
Muſis incubuit pectore feruido.  
Attentusq; fuit Dei  
Pernox officijs, artibus & bonis.  
Iactat Commoda plurima,  
Fructus multiplices poſteritas frequens:  
Quos hic fecit in optimā  
Præceptor iuuenum peruigil indole.  
Iactat Candidulam fidem,  
Inſcribendo ſacrum Corq; Notarij.  
Hoc Pilcenſe ſolum intonat,  
Totius populi vox ſonat hoc idem:  
Quæſ hic iura tenaciter  
Seruat: dum peragit ritè Notarium.  
Et debere ſibi omnia,  
Pro cultis ſtudijs clamat oppidum.  
Fert laudum decora omnia,  
Magnis excubijs Zdziewoy optimi;  
Cleri turba grauis, Cui  
Inſcribendo fuit Candidior niue.

Tam

*Tam dignum bona filium,  
Exorna titulis o Academia.  
Et Complectere dulciter,  
Materno gremio Zdziemwoium tuum.  
Qui per Te mihi profuit  
Trinā messe mihi dum bene præfuit.*  
*Nicolaus de Zmigrod Stadnicki.*

ODE Dicol: Distrophos.

Nomine R. D. MARTINI ZDZIEWOYSKI,  
Canonici Pilcen. Pleb. Strzegouien.

**M**ens mea, mens GREGORI,  
Cor meum, dulcis mea Lux, vitaq; Frater  
Gaudeo, gratulorq;ue  
Inclytos Mater tibi dat quos Academia honores  
Vtere forte tantā,  
Tam bono insigni vtere, Cum fanore multo  
Nominis, atque magno  
Gloriæ incremento Dei, & Ecclesiæ honore.  
Quam vigil labore  
Nactus es spartam; hanc age fac semper adorna.  
Gratus & esto magnæ  
O Parenti Academia, in omnia sæcla  
Pāulus, Stanislaus & Stephanus Zdziemwoysci.

GREGORIUS SDS DIEVVOYSKI.

ANAGRAMMA,

**D**U CORDIS IESV SVG GERO IVS.  
Gloria vana vale. Solus mihi gloria Christus;  
Dū Cordis IESV, Suggesto Ius populo.

Michael Kuropátwá, Stud: Poët.

Grax



## EPIGRAMMA.

**C**Rux Tibi Zdziewoyſki, ſolea, & falx; Stemma dederūt,  
 Falce ſeca, ſolea nitere: at ito cruce.  
 Falce ſeca vitia; & ſoleâ conſtante laboris  
 Nitere ad æthereas; ſed cruce adito domos.  
*Ioannes Skarbek. de Domo Habdank. Stud. Poëſ.*

## ODE Dicolos Diſtrophos.

**D**vm labor egregius, ſertum tibi neſcit; & coronam  
 In fronte virtus lauream reponit.  
 Poſt tot ſudores, Comites Tibi Fama dum triumphos,  
 Curru triumphali vehitq; honores.  
 Candide ZDZIEWOTSKI, fidiffime Theſeu, ò meus, quem  
 Ætnâ magè imis ardeo medullis.  
 Obuius amplexans tua brachia, dulcis ò amice,  
 Tuis Trophæis, laureaq; latus.  
 Toto Parnaffo, totâ Tibi Palladis cateruâ,  
 Adplaudo ludens læta metra pleçtris.  
 Nomen & omen habes fauſtum, meus, ò meus Gregori,  
 Procede felix ampliùs mereri.  
 Muſis, Eccleſiæ, Patriæ quodq; perge, perge falix,  
 Terris Olympo: perge promereri.  
 Perge Deo falix, felix meus ò amice perge,  
 Virtute ſummâ, crefcere uſq; & uſq;.  
 Meta tibi Deus eſt, metam pete: Dux ubi tu uſq;  
 Exit GREGORIUS: ſiſte mi GREGORI.

Staniffaus Oſſędowſki, Artium Magi-  
 ſter, Philoſophiæ Doctor, Profes-  
 ſor Poëſ. Nowodwor. PP.









